

國朝河南舉人名錄序

嵩渚子輯河南歷科進士名錄成復欲輯舉人名錄以示邑子顧弘治以後咸有鄉試錄可攷自洪武庚戌始開鄉舉以迄于成化丙午歲遠錄亡莫可尋究乃多方蒐訪極其勤瘁逾二朞稽索明備所闕畧者國初二三科而已兩河士大夫聞之咸走贖借觀嘖嘖嗟嘆以爲難且曰嵩渚子亦勞甚矣乎余笑曰探討舊聞罔敢墜佚固吾黨事也苟克成編亦足以補誌乘之闕勞何足卹哉輯已將綴梓以傳或曰事以少貴類以多賤矧我

朝位通顯者多繇進士科先生已輯其名氏矣緊舉
人名氏十倍于進士可勿輯也余應之曰不然舉
人之於進士也固繫乎學然亦有幸不幸焉仰惟
先朝用人惟賢是使弗限資格是故進士舉人胄監
保薦一體拔擢無所軒輊以茲奮揚事功天下熙
然稱治此非立賢無方之明驗邪余少侍教於鄉
長者每聞其亟稱吾鄉前輩繇舉人出身有聲於
時者如太子太保兵部尚書臨漳石公璞太子少
保戶部尚書祥符馬公昂刑部尚書祥符趙公玠
工部尚書信陽孫公顯兵部侍郎洛陽李公郁工

部侍郎祥符張公信右都御史鄭州王公彰翰林
學士磁州藺公從善其餘登九卿列侍從爲給事
中御史者濟濟其人乃若倡明理學巍然爲

聖代真儒稱首則有澠池曹公端孝行純篤 詔旌
其門則有光州劉公進洛陽閻公禹錫外而位方
伯官憲使守大郡自左布政使祥符張公斌蘭陽
丘公陵按察使歸德徐公永達而下寔不可以一
二數也嗚呼學行如諸君子宦業如諸君子鄉評
推重如諸君子皆所謂生有益於時死有聞於後
者也惡可以其鄉貢而少之哉宋儒劉子宣有言

場屋之文朝廷假以取士與學優則仕者異矣士
大夫以此高下人物更相矜傲更相景慕亦可悲
矣斯言也頗中近世抑揚科目之病而絲舉人出
身者遑遑自畫鮮能振立又何怪俗論云爾乎竊
聞士君子自立於一世亦惟以其人弗以科目也
抑徐孺子管幼安二子皆田野之布衣耳非有魏
科甲第之榮巖廊樞省之貴而其高風峻節鏗錡
千古然則以科目而論人者無乃有遺論邪或聞
余言慙而退遂書之卷首以祛衆惑

嘉靖二十六年丁未秋七日嵩渚山人李潛深書

歷科河南舉人總目

洪武庚戌科

辛亥科

壬子科

甲子科二十七人

丁卯科五十五人

庚午科四十五人

癸酉科四十人

丙子科五十六人

己卯科五十七人

永樂癸未科八十九人

乙酉科九十一人

戊子科六十五人

辛卯科一百三十七人

甲午科一百五十三人

丁酉科一百六十五人

庚子科一百九十五人

癸卯科一百九十七人

宣德丙午科三十五人

己酉科三十五人

壬子科三十五人

乙卯科三十五人

正統戊午科三十五人

辛酉科五十人

甲子科五十人

丁卯科五十人

景泰庚午科一百人

癸酉科一百五十人

丙子科八十人

河南鄉試定額八十名實自是科始

天順己卯科八十人

壬午科八十人

成化乙酉科八十人

戊子科八十人

辛卯科八十人

甲午科八十人

丁酉科八十人

庚子科八十人

癸卯科八十人

丙午科八十人

弘治己酉科八十人

壬子科八十人

乙卯科八十人

戊午科八十人

辛酉科八十人

甲子科八十人

正德丁卯科八十人

庚午科九十五人

癸酉科八十人

丙子科八十人

己卯科八十人

嘉靖壬午科八十人

乙酉科八十人

戊子科八十人

辛卯科八十人

甲午科八十人

丁酉科八十人

庚子科八十人

癸卯科八十人

丙午科八十人

己酉科八十人

壬子科八十人




Table with 10 columns and 10 rows of text. The text is arranged in a grid-like structure, with each cell containing a single character or a small group of characters. The characters are in a traditional Chinese script, likely from a historical document or a classical text. The text is arranged in a grid-like structure, with each cell containing a single character or a small group of characters. The characters are in a traditional Chinese script, likely from a historical document or a classical text.

Table with 10 columns and 10 rows of text. The text is arranged in a grid-like structure, with each cell containing a single character or a small group of characters. The characters are in a traditional Chinese script, likely from a historical document or a classical text. The text is arranged in a grid-like structure, with each cell containing a single character or a small group of characters. The characters are in a traditional Chinese script, likely from a historical document or a classical text.

河南舉人名錄凡例十條

一

聖朝鄉試之制三年一舉以子午卯酉爲期惟革除
壬午

文皇帝渡江不及試明年永樂元年癸未始鄉試其
後皆如期矣

一科舉成式及取士名額洪武庚戌與甲子所
定以後屢次頒行者各有不同具載

會典至景泰丙子始定今額每科八十名惟正德庚
午科增十五名次科癸酉以後仍遵

舊制云

一洪武庚戌辛亥壬子甲子癸酉丙子巳卯凡
七科舉人姓名原無試錄可考今按河南總
志及各郡邑志并前輩各家文集考得數十
人惟解元冠于其首名次先後無從稽察姑
依一統志州縣次第書之

一監臨御史舊時稱董督官或稱總督官或稱
按臨官具見貢院題名記今亦附著各科之
後以存其實

一監臨及提調監試等官各科事體間有不同

今考之貢院題名記及各科鄉試錄可考者
附書各科之後其不可考者闕之

一科舉事例見諸

會典者甚詳今恭錄其槩于是編之首以便參考

一舉人或有更名復姓貫址不一及出身不由
學校者並著之其不可知者抑多矣

一凡京闈及別省中式者間亦有之不能悉知
今止據所知者附見各科之後

一舉人位登孤卿者如太子太保兵部尚書石
璞太子少保戶部尚書馬昂刑部尚書趙玗

工部尚書孫顯諸前輩序引中覓見數人其餘不能盡錄也詳見河南總志

自洪武庚戌至今凡河南舉人名氏俱已刊刻以後每科續刻于左

凡例
畢

國朝科舉事例

洪武三年 詔開科舉以今年八月爲始使中

外文臣皆由科舉而選京師及各行省鄉

試八月初九日試初場後三日試第二場

又三日試第三場初場經義二道四書義

一道第二場論一道第三場策一道中式

者後十日復以騎射書算律五事試之

洪武四年 詔各行省連試三年自後三年一

舉著爲定例

洪武六年 詔科舉暫且停罷別令有司察舉

賢才必以德行為本文藝次之

洪武十七年頒行科舉成式

一凡三年大比直隸府州縣試於應天府外
府州縣試於各布政司舉人不拘額數從
實充貢八月初九日第一場試四書義三
道每道二百字以上經義四道每道三百
字以上未能者許各減一道四書義主朱
子集註經義易主程朱傳義書主蔡氏傳
及古註疏詩主朱子集傳春秋主左氏公
羊穀梁胡氏張洽傳禮記主古註疏

後四書五

經主
大全
十二日第二場試論一道三百字以

上判語五條詔誥表内科一道十五日第
三場試經史時務策五道未能考許減二
道俱三百字以上

一應試國子學生府州縣學生貢之學成者
儒士之未仕者官之未入流而無錢糧等
項粘帶者皆由有司保舉性資敦厚文行
可稱者各具年甲籍貫三代本經縣州申
府府申布政司鄉試其罷閑官吏倡優之
家隸卒之徒與居父母之喪者並不許應

試

一老試官皆訪明經公正之士於儒官儒士
內選用官出幣帛先期敦聘主文考試二
員文幣各二表裏同考試官四員文幣各
一表裏在內應天府請在外各布政司請
提調官在內應天府官一員在外布政司
官一員監試官在內監察御史二員在外
按察司官二員供給官在內應天府官一
員在外府官一員收掌試卷官一員彌封
官一員謄錄官一員書寫於府州縣生員

人吏內選用對讀官四員受卷官二員已
上皆選屏官清慎者充之巡綽監門搜檢
懷挾官四員在內從都督府委官在外從
守禦官委官

一舉人試卷及筆墨硯自備每場草卷正卷
各紙十二幅首書姓名年甲籍貫三代本
經前期在內赴應天府在外赴布政司印
卷置簿附寫於縫上用印鈐記仍將印卷
官姓名置長條印記用於卷尾各選舉人
試前二日圖畫東西行席舍間數編排開